



24. januar 2011

Inatsisartut Suleriaasianni § 37 naapertorlugu Naalakkersuisunut apeqqut imaattoq matumuuna saqqummiuppara:

Naalakkersuisunut apeqqut:

Nunamut namminermut, Pinngortitamut Avatangiisinullu Naalakkersuisoq imm. UP-A2010/43 (Puujaasaaqqat utertittakkat nutarteriffiginissaat) oqaluuserineqarmat neriorsuivoq poortuutissat puujaasaaqqallu aallaqqaataaniik naggataanut atorneqartarnerannik misissuititsiniarluni.

Tamanna tunngavigalugu makkunanga apeqqutissaqarpunga:

1. **Poortuutissat puujaasaaqqallu aallaqqaataaniik naggataanut atorneqartarnerat pil-lugu misissuititsinissamut neriorsuut sumut killippa?**
2. **Puujaasaaqqat utertittakkat avammut ammanerulersinniarlugit nutarteriffiginis-saat pilersaarutaava?**

(Inatsisartuni ilaasortaq Andreas Uldum, Demokraatit)

Tunngavilersuut:

Ullumikkut Kalaallit Nunaanni sumiiffinni amerlanerni imeruersaatit kulisyriilit aalajangersimas-unut puujaasaaqqanut maqisat pisiarinqarsinnaapput. Tunumi Avannaanilu immiaaqqat imeru-ersaatillu utertinneqarsinnaasuni qerlertuusaniiittut nioqqutigineqarsinnaapput. Maleruagassat pi-neqartut aalajangersarneqarput avatangiisinik illersuinissaq siunertaralugu.

Demokraatini misissortikkusupparput, puujaasaaqqanik utertitsisarneq avammut ammaneruler-sinniarlugu nutarteriffigineqarsinnaanersoq, siunissami periarfissaqaleqqullugu puujaasaaqqanut qerlertuusanullu allaanerusunut maqisanik pisisinnaanissaq nioqquteqarsinnaanissarlu. Taamaat-tumik misissortikkusupparput, puujaasaaqqanik utertitsisarneq puujaasaaraannarnik tunngavilik avatangiisinut peqqinnarnerunersoq qerlertuusanik utertittakkanik atuinermut naleqqiullugu, tamatumani eqqarsaatigaarput puujaasaaqqat ”tunisassiaralugu pinngortinneqarneraniit suujunnaarsitassanngorlugu iginneqarnerata” tungaanut aamma qanoq avatangiisit puiaasaaralio-rneq, angallassineq, puiaasaaqqanik saliineq il.il. eqqarsaatigalugit.

Apeqqutit akeqquneqarput ullut suliffiit naliginnaasut qulit iluanni.